



**Commentarivs Pavli Bernriedensis, Antiqvi Scriptoris, De
Vita Gregorii VII. Pontif. Max.**

Paulus <Bernriedensis>

Ingolstadii, 1610

Gregorivs Episcopvs Servvs Servorvm Dei, Dilecto in Christo filio, &
nobilissimo Comiti Adalberto, & eius vxori, salutem, & Apostolicam
benedictionem.

[urn:nbn:de:hbz:466:1-65381](https://nbn-resolving.de/urn:nbn:de:hbz:466:1-65381)

desideranter anhelare confidimus, unde nos
consulnisti, quidquid nobis perfectius visum
est, ad correctionem tuam tibi intimamus, ut
quantumcunque precij te pro disponendis in
Ecclesia clericis accepisse recordaris, aut in u-
tilitates eiusdem Ecclesiae, si attinere ei videtur,
aut in usus pauperum expendas, ut nulla in te
reprehensibilitatis macula remanente, inter
electos regni caelstis ciues adscribi merearis.
Datum Roma, tertio Idus Ianuarij, Indi-
tione decima tercia.

Item ad Laicos pro iisdem institutis.

GREGORIVS EPISCOPVS SER-
VVS SERVORVM DEI, DILECTO
in Christo filio, & nobilissimo Comiti* Adalber-
to, & eius uxori, salutem, & Apostolicam
benedictionem.

* Rom. decre-
tal. editio, ha-
bet Alberto:
Eodem sensu;
Idem enim
sunt omnia
ista. Adalbert,
Adalpres, Ad-
alpreht, Ad-
alpert, Adel-
pert, Adelpert,
Adelprecht,
Albrecht, Al-
precht.

GRATIAS Deo referimus, quod &
Glaici, & mulieres ad Dominum men-
tes erigunt, & cultum religionis libenter intel-
lectu capiunt, & tenere contendunt. Nam il-
li, qui propter lucrandas animas Episcopi vo-
cati, & constituti sunt, & subditos suos verbo,
& exemplo viam veritatis docere deberet, his

H tem-

temporibus seducti à diabolo, non solum legem
DEI deserunt, sed impugnare, & omni cona-
tu subuertere, non desistunt. Quo minus mi-
randum est, si ipsi inferiores ordines à delicto
non prohibent, quorum aut ordinatio fuit her-
retica, aut vita omni immunditia, & facino-
ribus cooperta; qui, dum in semetipsis propria
sceleris nec corrigunt, nec attendunt, subdito-
rum quoque crimina, aut per negligentiam,
aut timore propria conscientia portant. De
quibus recte per Prophetam dicitur: Obscu-
rentur oculi eorum, ne videant, & dorsum
eorum semper incurua.

psal.68.

Quapropter quidquid illi contra vos, imò
contra iustitiam garriant, & pro defendenda
nequitia sua, vobis, qui in literati estis, obiici-
ant, vos in puritate, & constantia fidei vestre
permanentes, que de Episcopis, & sacerdotib.
Simoni acis, aut in fornicatione iacentibus ab
Apostolica sede accepistis, firmiter credite, &
tenete. Dat. Roma VII. Kal. Nouemb. In-
dictione decima tertia.

Vt nullus obediat Episcopis præfata statuta con-
temnitibus, vel negligentibus.

GRE.